

續修四庫全書



《續修四庫全書》編纂委員會編

續修四庫全書

上海古籍出版社

一三七二・集部・別集類

楊文弱先生集五十七卷（卷一至卷四十九）

〔明〕楊嗣昌撰

.....

楊文弱先生遺像



楊文弱先生集卷之一
明 武陵楊嗣昌文弱著

山梓

孤兒山松同輯

山樞

農者
同較

農正

疏

駁承天備監叅提佃戶稿時爲戶部福建司主事

看得承天爲我國家陵寢重地而六莊兩湖以內官一員

須具課者古天子所謂湯沐邑以其賦稅供洗沐之具耳

楊文弱先生集卷之一

十一

蓋懷思粉榆而輕減其歲入之課不欲有司以齊民待之
上謂其賢雄可以多取俗悍不可以馴伏而有司治之不
知中官之能也今據張文元所奏蘆洲湖近在潛江景陵
監利之界乃妄以爲僻教不通鄧經國等凌辱官校搶奪
甲佃鎖禁慘毆是謂青天白日之下而有魍魎魍魎之形
文云蒞任未久正當立法之初若不題請重加懲治日後
毋雄得志相效成風是謂維桑與梓之民而必刀鋸鼎鑊
之刑臣誠不得其解乃皇上卽賜俞旨就著守備衙門提
問若謂尋常細故卽許之亦無妨者不知皇上予以提問
之一字而凡有身家皆可爲株連捕繫之人矣予以嚴究

楊文弱先生集

一〔明〕楊嗣昌撰

據南京圖書館藏清初
刻本影印原書版框高
一八四毫米寬二六四毫米

之二字而凡有性命皆可供立刻齏粉之具矣彼豈真爲佃課之不完威力莫能制哉特假此名目以徼皇上勅旨之下然後爲所欲爲略無顧忌耳夫堂堂天朝富有四海山陬水澨皆祖宗付與皇上萬年不拔之基而文元乃謂六莊兩湖是祖宗之邸業區區租課未完謂之邸業動搖盡其瘠瘠聖聰狹小漢制蠢愚躁妄不知大體如此宜皇上加之詰責究其撥置生事之人下所奏之章於彼處撫以質問明白覆奏斯於事體愜當不致小臣盜作威福驚嚇細民今乃允其所請朝上夕報臣恐無辜淹繫非刑考掠生灰冤號室家驚散承天何地而令有此愁慘非所以

楊文弱先生集卷之一

一

安神靈而固根本矣又照徵收一節理宜屬之有司國家數百萬錢糧惟是撫按行之監司司責之郡縣無有不辦佃租幾許何獨不可並徵而令數莊之民偏罹荼毒三尺之法浸假刑餘尤屬非據既經該監具題相應具疏駁正伏乞勅下臣部院行湖廣撫按衙門查佃租果否逋欠鄧經國等有無侵欺搶奪一並勘問具奏回覆仍諭該監靜聽有司督徵解納勿擅生事貽害地方庶法守一而人情安與都剗郡數十萬生靈歌詠聖德於世世矣

萬曆四十五年八月初四日具稿上訖雷中。山松曰先人于貂璫輩嚴氣正性于楊忠烈前已有然者故有揭之以示天下後世以見嚴首昇所謗之誣也

覆畱金花等銀充邊餉稿 同前

看得我國家稅糧起運折色入銀庫者歲額三百六十萬兩零本色入京倉者歲額二百六十三萬石零耳沿邊一十三郡年例取之折色量入爲出尚少二十萬兩之多在京五十二衛月糧取之本色計口授餐非有三年五年之蓄總之所謂惟正之供不足以待非常之變者也今邊氛愈熾遼勢愈危臣部加派折色不過二百萬而該庫前後運發已踰四百萬餉臣請截本色不過十餘萬而該鎮一歲所需又踰六十萬大數瞭然懸絕如此搜括厝處萬萬難支必不得已惟有官府通融權宜改折之請餉臣嘔心

楊文弱先生集卷之一

三

極矣舉朝大小諸臣亦敝唇久矣臣等詳查大明會典內府金花原係國初折糧銀兩俱解南京供武臣俸祿各邊緩急亦取足其中正統元年始自南京改解內庫嘉靖二十二年題准三宮子粒及各處京運錢糧不拘金花折糧等項應解內府者一並催解太倉銀庫悉備各邊應用不許別項那借可見祖宗朝金花一項原非內府之物卽改解之後未嘗不專貯濟邊頃來相沿折放武俸之外皆以御用爲名無可究詰夫一歲金花額該一百一萬二千七百二十九兩零折放武俸歲約不過十四萬兩若准畱借一年可備邊餉十分之二皇上仰體祖宗之意俯念危遼

萬分緊急則餉臣之議金花當允者一也又查會典浙江等布政司直隸蘇松等府解到本色黃白蠟俱送供用庫收折色黃白蠟解太倉銀庫濟邊嘉靖十年題准今後各處起解京庫物料果係本地無產者許於批文內明開某物折徵價銀到京召商上納如有餘銀送太倉庫交收以備支用隆慶元年令內府各衙門供應錢糧查照弘治嘉靖初年舊額酌量派徵其以後年分加添者盡行革除如各衙門假以缺少為緣行文加派及該部阿奉准行科道即時參奏治以重罪可見祖宗朝內府供應諸項稍有贏餘即發太倉濟邊先皇初政至將盡數革除嚴治加派阿

楊文弱先生集卷之一

四

承之罪邇來庫貯多年充溢無用一番外解皮骨銷磨如湖廣等處絲絹福建浙江等處蠟茶物非土宜差官易買展轉侵漁上納既多不堪比較何時是了傾產喪命無益公家不若折價解京官民兩利見今准折一年催解太倉以備新餉以後分別本折仍赴內庫交納皇上仰體祖宗之意俯念危遼萬分緊急則餉臣之議絲綿絹疋蠟茶顏料當允者二也又查會典洪武二十三年罷天下歲織緞疋凡有賞賚皆給絹帛如或缺乏在京織造嘉靖七年題准江西湖廣河南山東地方不善織造令各折價弘治十七年革回蘇杭等府織造內官令鎮巡等官管理隆慶元

年詔罷蘇杭南京織造原差內官取回一切不經織造盡行停止可見祖宗朝織造一項有罷免有折徵有革回停止原非歲不可缺之經必不得已之役近來傳造紛紜蘇松兩府借支臣部五十餘萬兩浙江借支三十餘萬兩陝西羊絨每年借支二萬二千五百兩遺弊已不可較覆水斷不能收今陝西業經停止江西湖廣山東河南四省一向折徵合無比例將浙江福建山西四川等布政司直隸蘇松常鎮徽寧池太揚等府廣德等州查照見徵事例有無某項若干盡與折價催解太倉以備新餉稍俟一二年復還舊額皇上仰體祖宗之意俯念危遼萬分緊急則餉

楊文弱先生集卷之一

五

臣之議織造當允者三也以至弓箭弦條等項查據會典洪武二十三年以天下歲造弓箭撥民令工匠輪班赴京成造成化十六年以在庫弓箭弦足用准折徵一年正德十年免本年造解軍器料銀照彼中工價徵收嘉靖元年奏准浙江江西湖廣福建布政司並南直隸蘇州等府歲額民弓箭弦徵價解部於軍器局雇匠團造二十年題准弓箭弦定價外不許濫徵工匠銑磨及解扛腳價三十年奏准南方民弓箭弦通行折價解京分發附近各省府委官如式成造其有不堪追賠究治可見此項軍器折徵解價祖宗朝疊見施行總緣南北風土異宜外造多不如式

近日調募搶攘一切兵仗內庫關給多不堪用兵部之疏欲將盔甲三副改造一副其明證也竊謂外解成器復須改作一物兩造所費愈多不如餉臣所言盡改折色徵解到京却令雇匠團造誠可壯神器而裨實用此雖工部職掌不屬臣部充餉之需然在今日斷斷當允行者以上諸欸餉臣剔歷中外目擊心摹利病較然指陳洞悉除弓箭弦條一欸應屬工部折價仍造軍器軍裝外金花絲綿絹疋蠟茶顏料織造等畱借折徵則皆臣部厝餉那借搜括之大者當此呼吸危亡數萬金錢到手輒盡不得不迫切呼天仰祈立允以預圖接濟蜚輓補救遼事萬一靜聽數

楊文弱先生集卷之一

六

日未見報可憂心如焚臣等只得據揭題請萬懇皇上風雷之斷卽勅臣部咨行省直尚假旬時方得實用設或天聽彌高轉圜無日臣等豈敢束手無爲坐待邊烽之至必不得已事機倉卒苟利社稷何愛髮膚臣當一面待罪一面題知不能引領空鑒於九閣外矣

萬曆四十七年七月十八日具稿上訖有旨不允

催點撫按稿

同前

臣惟本部錢糧在省直者無事不資撫按而新餉爲急卽加派搜括屬新餉者無項不資撫按而查覈循環爲尤急臣前疏於循環一節尤切鑒按臣蓋按臣所至巡歷親到

郡縣歲有查盤委官清理風行雷厲緩急可得實濟卽如滑縣屯積銀兩臣部久擬入疏及疏上時該縣解納已完則按臣當面查冊嚴催起解之明驗也今事急矣不將催解責望按臣凡省直有司一切厝餉區處事宜指名需索等弊廉訪彈治必須按臣邊鎮文武將吏一切用餉虛占兵馬影射糧艸等弊閱視糾舉必須按臣乃按籍計之眞順廣大盧鳳淮揚蘇松常鎮浙江湖廣福建山西陝西宣府大同巡按無人以至順永保河四府江西四川廣東廣西雲南五省直隸京通等倉印馬屯田陝西四川茶馬等差又皆報滿候代已久內如江西巡按張銓近復改差遼

楊文弱先生集卷之一

七

東噫危甚矣天下之大半無巡按祖宗根本之地神京襟帶之邦西北長邊兵馬屯聚邊騎蹂躪之所東西近海財賦所生倭寇出沒之處皆無巡按焉以彈壓之當此民窮財盡之時忽有遼左非常之役募兵四出厝餉多端臣恐艸澤姦人乘釁而起揭竿斬木魚爛土崩門庭之寇外逼腹心之疾內潰倉卒急變皇上遣何人折衝有何方解散彼時卽急點按臣從何處下手收拾噫事去矣不可救矣皇上今日盡下省直按差臣恐朝不及夕矣况可遷延頃刻乎至於應天雲南貴州南贛等處巡撫或缺員或候代屢催不下不思此等重地豈可一日無填撫陞遷子告俱

經奉旨何以不點新推臣誠不得其解竊念土地人民皆臣職掌少有反側動費撐持爲此特疏懇請伏望皇上卽刻沛然簡發吏部會推都察院題差本章勿少遲留挂漏仍勅諸臣受命星馳受任不必寬限過家天下事十猶可救四五不然臣不知所終矣

萬曆四十七年七月二十一日具稿上訖雷中

算調募遼兵請借拖欠金花稿

同前

臣於本月初八日具疏仰懇聖明自爲社稷封疆大計內言遼餉歲費五百萬金蓋以前此一年運過三百五十萬較之近日撫臣議加舊餉遞加新餉約非五百萬不勾支

楊文弱先生集卷之一

八

銷尚未細計調募新兵之數也連日邸報中見兵部有募兵近畿一疏內稱該部先後具題於五省各州縣及各邊鎮議募合之則六萬矣疏內又云倣宋臣張浚之法議招百人以上至五百人以上者授官有差倣嘉靖甘涼之例議招百人至二百五十人者陞級各有差是六萬外有不可算之募兵也又有水陸精兵一疏內稱湖廣永順保靖四川酉陽石柱諸土司貴州水西浙江南直水兵合之則四萬五千矣別疏又云已報起程寧夏固原入衛之兵甘肅薊鎮山東河南援遼之兵祁魯二家並起陞將官麻承宣援遼之兵是四萬五千外又有不可算之調兵也見在

遼東主客兵三月失事以來李如柏一路暨續到川兵湖廣土兵撫臣召募贊畫疏中遼陽海蓋等道召募開原道揭召募合之則八萬二千矣而兩路逃回與馬林先後所餘兵部陸續調出及舊兵八萬五千見在若干臣部無數可考是八萬二千外有不可算之主客兵也通計以上調募及見在兵子然可算者一十八萬七千而不可算者不與焉大約不減二十萬臣算至此叩心天地五體俱寒不知遼東他日本色料艸須幾千萬折色銀兩須幾千萬若使天但雨金而不雨粟持金無處買粟天卽雨粟而不雨艸有粟無處得艸何況止憑久涸之太倉需恃多虞之海

楊文弱先生集卷之一

九

運而令遼軍二十萬待此舉火掄饑不贍大變將起何言滅賊哉若曰今日募者不應調者未行紙上空名未是實數不知紙上之名兵部但一責實卽實數也臣部今日紙上亦無可寫他日將何所責先臣趙世卿有曰樞臣奉旨之日卽是臣部拖餉之日今兵部諸事蒙允題知該部題知之日卽是臣部拖餉之日艱難迫切有不容不卽請區處者省直解到金花銀兩皇上堅不肯借毫不可請臣前疏已詳茲不再贅恭繹二十三日接出諭札有云爾部累年所進金花銀兩拖欠至一百餘萬臣締思之此項銀兩蓋緣省直竊民偶遭水旱輪納不前節經臣部行移撫按

催督有司徵比完解竟無到者此在皇上軫念窮民合當寬假但今遼餉迫切別無處法舉朝踴躍請發仍是金花合無將此拖欠未進銀兩與發德音俯賜臣部轉行撫按催解太倉以濟遼餉萬分之一則舉朝臣子歡欣鼓舞知前日觸天威而罪臣部者此金花也今日沛德音而賜臣部者亦金花也大聖人之無我薄海內外瞻仰同情臣敢宣布皇仁風示百姓苟能節縮衣食輪納涓埃其助遼東餉軍討賊上報如天之聖主下爲終事之義民則此拖欠去年未經解到銀兩或得一二接濟未可知也臣千思萬慮到此都竊皇上少加垂察於拖欠未進者慨然允賜臣

楊文弱先生集卷之十

十

萬曆四十七年八月十三日具稿上訖雷中

陳言兵餉疏

時爲戶部江西司員外自陳

臣庸懦書生備員戶部竊見遼東覆軍殺將已事堪憐感激於中久矣近接邸報新經畧臣熊廷弼業已交代行事臣伏思之此光弼登壇旗幟精采皆爲一變之時也軍機進止臣雖未敢與聞然而有一兵必責一餉兵一日不止

餉一日不停臣餉部之屬竊願一言俯效愚心臣聞召客者卜日肆筵設席必問中廚麤飯之資救火者滿座爛額焦頭必計主人牛酒之費若中廚毫無有辦客到何以應之牛酒費至傾家則主人之火救與不救等耳兩者田里細民不爲況社稷封疆之大付之公忠才識之臣顧肯爲之乎然而今日之兵徵調召募乃至二十餘萬餉從何出未嘗過而問焉豈諸臣漫爲之哉蓋皆有所不得已耳夫遼東者皇上之遼東非經撫二臣之遼東也邊烽發難狔焉啓疆非今經撫二臣在事之日也皇上以摧殘狼狽一壞再壞之遼東挈而昇之二臣試觀今日身在事中獨肩

楊文弱先生集卷之一

十一

重擔萬苦千難無二臣若也而二臣之請兵爲皇上保此遼東寧得已乎二臣請兵舉朝大小臣工皆言請兵且勞心借箸某兵當調某兵當募不謀同詞皆爲皇上保此遼東非得已也而皆責望於兵部亦無非爲皇上保此遼東又得已乎凡此不得已者戶部雖殊苦之實心亮之然至兵已調募矣戶部之苦乃有呼天搶地之聲所不能告訴譬水移山之力所不能撐持者雖使經臣撫臣舉朝大小諸臣盡亮戶部奇窮照見戶部心膽亦何益於勝負之救就使皇上長流戶部之官蠶粉戶部之骨亦何補於社稷封疆之大計哉臣愚若不妥言後恐圖之無及然非以臣

之應敢望諸臣萬一也願與諸臣平心和氣仔細斟量斯事關重大瞬眼安危臣若言之透徹料想諸臣亦不參商臣所欲言者何也經臣中府會議開口說兵必須一十二萬及上河東諸城潰陷一疏內止議增新兵七萬先調一萬隨之入遼比其到關調兵至者不過數千與俱度遼只八百耳是豈經臣不欲足數而該部掣之肘乎徵發期會事勢艱難雖欲如取如攜而不得也今已出關度遼交代受事觀其奏報疏中除李賀二帥所統外城中見兵及川兵止有赤身徒步二三萬人勢固不容不調且募而調且募亦應以經臣之言度之乃前則求一萬而不足今則至

楊文弱先生集卷之十一

十一

二十萬而有餘臣滋惑焉夫經臣於遼事先見有年使其必須二三十萬諸臣會議之時何憚不說而顧損益於十二萬與七萬間必有故矣臣思其故有衆二三十萬不惟戶部無如許新餉遼東亦難容如許客兵且厝餉都是金錢養士必須米穀遼東城堡失陷既多則有團聚附著之人有荒蕪不耕之地使盡力所生或難自給而况援兵四集數倍居民本色止恃海運海運止恃登萊寄命風濤之中出入姦盜之藪危事也絕地也至於糴買徵收又值東方大旱則出人事意料之外督餉大臣嘔心畫策請帑截漕疏報各行動淹歲月臣恐遼東他日強寇在外饑軍在

內居民苦其騷客子憤其蹈藉患有不可測者此猶以兵到遼東言也若夫募兵就道拚命辭鄉所過之處民間豫愁搶掠罷肆閉門此輩市買無從翻成搶掠小民泣訴令長只得隱忍容之一處兵來如是別處又然今日兵過如是明日又然臣恐所在農商不得安然作業輸納租稅然猶州縣民兵結隊不滿千百爲害有涯至於土兵四萬取足六司計程凡數月之遙安家無一錢之例此則數千爲隊到處凶殘向無紀律民間言語不通誰肯與之交易即不他有搶掠但求遂其饑食渴飲之常而擾不可勝言較之州縣民兵何啻什伯焉者使此兵雖有搶掠盡數到

楊文弱先生集卷之十一

十一

遼猶或得其一臂之用當忍小痛以來之若永順前調三千到關止有八百逃回斬首足者又止一十四人其續補二千則抵逃兵之數而此逃兵二千餘人進既不能到遼退復不能歸穴將安之乎惟有化爲盜賊出沒於彝漢兩界之間而兩處俱不得開耳今之四萬保無前日之事爲地方憂者乎猶曰害止逃兵而已土司忠順固多桀驁亦復不少富饒固多貧薄亦自不少今遼調沙場非其本願設有抗令越趨請糧齎發者朝廷將運糧以給之乎抑舉兵而加誅也兩者不可不算猶曰罪在承調者耳川湖貴三省除土司外別有無主苗民如所稱紅苗仡僚仲家者

頻出圍城劫寨近歲驅除官兵數少大半調用土兵今各處土兵俱調赴遼此苗仲得意之秋橫出攻圍之日必報怨貴州以梗塞雲南西南從此多事設有臨城逼印如阿克者朝廷忍而不問乎是又生一遼東也猶曰遠在千里外也土司仇殺自古及今日以爲常戢之猶虞其動動之安擊其戢鼠鬪穴中毋論已今之調發俱往遼東合之川兵幾五六萬誰爲大將諸苗素所懾服者而統之可使兵知將意將識士情有事奮勇齊驅無事調和豫附者乎將難其人狼心烏合有萬不可知者且如播之役安彭二氏互殺冤莫解也今以安之一萬彭之前後一萬八千同調

楊文弱先生集卷之一

古

可乎水蘭之役黔蜀二省相爭訟未平也今以水之一萬蘭之五千同調可乎以莫解之冤與不平之訟使之居同地出同塗勝同功敗同罪臣雖至愚知其不可夫使土司無故而窺左足於我內地必且猜而拒之按而討之今以邊烽之故盡引而入中國之中熟我山川道里窺我版籍人民過我五雲雙闕之下此何等大事豈可嘗試爲之哉古人之用此輩者皆在中國之外牛半之力水艸之性一切皆同而又有利可爭有交可攜有讐可結我則行謀伐謀挑釁激怒使之迫奔流血小斃大傷乃下莊刺虎之喻耳今土司之與邊烽何利可爭何交可攜何讐可結而能

激其怒心挑其困鬪我所以用之者不過朝廷之名分足以維持中國之威力足以驅遣耳嗟呼名分何物土司何人可異恃以維持若我之威力業已無邊烽何而用彼矣彼亦何所復憚而招之必來驅之必成爲我戮力同心必如子弟手足之捍衛乎今瓊林大盈之積頗有殫名引萬里非類之兵一一經過堂奧毋論姚令言朱泚之變突起當防卽令斑斕胡跪厥角稽首坐索一食犒賞金錢不知當用何項錢糧臨時作何慰遣此須有備而無患不可有患而無備也臣自聞調兵朝思暮算從大至細從細至大利害亦畧分明心肝亦幾嘔出然不敢斷斷曰一切不當

楊文弱先生集卷之一

五

調兵也但思兵部調兵除州縣二萬安插通津昌平等處守衛陵京外其餘必皆遼東應用者耳遼東應用之兵必先問之遼東用兵之人攻守剿平應出何策歲月日時須得幾年兵數若干見有若干應增若干某處應調若干某處應募若干用餉若干本色若干折色若干衣甲器械若干馬騾牛若干一年之費若干三年五年之費若干以至軍中一切事宜經撫二臣與其文武將吏悉心咨度定局如何變局如何急著如何緩著如何奇著穩著劫著如何末後之著如何以至咨疏劄中所不能了所不可泐所不得通者戶兵兩部迭遣司官絡繹往來虛心面議求妥

求確求爲可繼之道期於血脉貫通指臂靈應外行一事內者洞見腑臟內行一事外者快著痛癢而後邊烽伎倆可算遼東經撫可爲戶兵緩急可應在兵部則知某兵果屬有用果不可緩而已調募者急催之某兵未必有用尚屬可已而方調募者亟止之在戶部則知本色一年應用多少數年應備多少而不足者設法運之折色一年應用多少數年應備多少而不足者設法請之如此決不須兵二三十萬之多決不須餉五百餘萬之外所省海內徵調騷擾加派催科亦決不至如此之忙亂而爲社稷消隱憂爲封疆弭異患保我子孫黎民尚亦有利在此一著在此

楊文弱先生集卷之一

七

一時著萬不可差也時萬不可失也臣之愚慮以爲遼東一年之內患在兵少一年之外患在兵多今日兵部當調有用之兵不當調無用之兵當調禦暴之兵不當調爲暴之兵當於近兵增調以求速當於遠兵減調以求精當以各處召募漸補增調之缺不當以各處安插永堅不動之根此臣日夜私憂終難隱忍者敢昧死爲皇上忠言伏望少垂省覽采擇狂愚以圖滅賊之大計以嚴用兵之大防至於是非可否事理雖無兩得議論不妨並存知臣罪臣一切聽之矣

萬曆四十七年八月二十一日題雷中

請立兵冊清查遼餉確數稿

時爲戶部江西司員外代部堂具稿以下同

竊惟遼東一年之間費餉三百餘萬無損邊烽秋毫而加徵搜括遍於海內臣部疾首痛心極矣除前請旨行查外臣朝夕考求其冒破之故亦有灼然大數尚容另疏聲明以資經畧閱視諸臣覆覈然亦不過遺弊之僅存墮甑之徒顧未必使散盡之金復還故吾也惟是前事不忘後事之師則於經畧交代之始臣不能無厚望焉所望於經臣者何也前日遼東之兵臨敵則不勝其少弊餉則不勝其多前日遼東之餉一索則急如星火而使人不敢遲一發則用如泥沙而使人不敢問此無他兵分於各道而所取者餉司之銀各道不問其有無餉總於餉司而所養者各道之兵餉司不知其虛實譬如兵共一城餉分兩項新餉給新兵何以知非舊兵之易名而冒也舊餉給舊兵何以知非新兵之卽名而兼也又如新兵原食一兩二錢今遞加至一兩八錢則以舊而潤新者有之舊兵原食四錢今遞加至一兩二錢則以舊而潤舊者有之又如新兵遞加往開原者一兩八錢鐵嶺者一兩六錢而此兵以何日到開原何日到鐵嶺未嘗問也舊兵遞加其上等者一兩二錢中等者八錢而此兵之原食雙糧原食單糧未嘗問也以致年終之奏報季倒之循環對卷茫然了不可問而不

楊文弱先生集卷之一

七

問已耳卽大地盡作金錢難填此無底淵海必欲問之不惟掣肘之嫌予人口實抑且脫巾之禍立取身殃此其道將安出哉臣以爲有問之之人有問之之法有問之時人者何餉司各道皆有錢糧之責初無互覈之權其惟經畧乎蓋餉司所據於各道者紙上花名耳而各道豈卽據花名乎畫地駐防者以紙上防相機策應者以紙上應乎彼多索餉則不得少載兵彼多載兵則不敢頻失事此可以功罪按者也彼須調募則不敢諱逃亡彼見逃亡則不能昧存省此可以情形揣者也以此問各道能不吐實乎卽不吐實於他人能不吐實於經畧乎而前此所患經畧

楊文弱先生集卷之一

太

先不責實耳覆車伊邇換局方新有實心做事之人則自有開口告人之事臣謂今日問餉之人不得不屬經畧一也法者何遼兵雖衆惟有新舊兩端遼地雖寬惟有河東河西兩界河東分遼陽海蓋開原三道河西分廣寧寧前兩道而道盡矣某道之屬分城堡若干而地盡矣某城某堡之內分舊兵新兵若干而兵盡矣某兵之內分食錢餉銀者若干幾兩餉銀者若干而餉盡矣如是種種之數斷自經畧交代一日爲止責令各道盡將所屬城堡見在之兵見食之餉編造總數撤數冊報經畧其冊務要直截簡明先開一道所屬幾城幾堡幾兵幾餉合爲一道之總

則總數也外分城堡某城幾兵幾餉爲一城之總某堡幾兵幾餉爲一堡之總卽撤數也其城堡內不許又開某標下某門下某將官下某南京某浙江某四川等營以致紛紛名色猶如說鬼捕風漫難稽考所當痛革此冊造就備申經畧覈實掛號印發餉司餉司照填底冊一本存案仍將道冊轉申到部卽將冊內各道分管城堡兵餉總數另具一揭發抄其交代後兵馬或有更置錢糧或有增損定爲各道每月二次冊移餉司餉司每月二次冊揭報部發抄之制一如前式使朝野內外曉然皆知遼東幾道幾城幾堡幾兵幾餉一一燭照數計如在目前而後呼吸可以

楊文弱先生集卷之一

九

相聞緩急可以相赴從前關隔不通之病至此都除若道冊不經經畧仍是前此花名揭抄不遍長安又與舊套循環無異臣謂今日問餉之法不得不關經畧二也時者何見在遼兵前法已備新舊月糧可算無遺矣援軍在途又有行糧比其到遼必須著伍因而問之於山海關曰某月某日某處援兵若干出關問之於三岔河關曰某月某日某處援兵若干過河問之於遼陽餉司曰某月某日某處援兵若干到遼分撥某道屬下某城某堡管內應食某項餉銀問之於各道曰某月某日某處援兵分撥若干已到某城某堡管內開食某項餉銀除餉司各道收造入冊一

月二次彙報外其山海三盆二處守將隨到零星具揭驛報抄傳不過出片紙附便郵而行糧可算著伍有期亦不至如前此汶汶夫出關過河到遼著伍固皆有時不及經臣受事之初創立此法日復一日恐又因循臣謂今日問餉之時不得不乘經畧三也行此三者朝廷不煩動色當事不嫌掣肘將卒不勞脫巾而餉自可節兵自可清但責經畧而已辦臣所望於經畧者不綦厚乎然臣非漫言之也經臣昔按遼時正有召兵添餉之事讀其奏繳新餉疏內有云營不成營與無將同將不成將與無兵同其何救於寡弱而新餉又不專爲新兵支用是使新兵有增之名

楊文弱先生集卷之一

三

無增之實新餉有爲新兵而增之名無爲新兵而食之實恐虛糜此餉者不在老弱之充數邊兵之影冒而在營旅之不成分散之不合也嗟乎此十年前因病下藥之言不意今日膏肓之痼始復過之又讀其屯田修邊一疏有云內地千零萬落北盡南空詢詢皇皇只欠一反漢以出塞千里轉餉而天下困唐以藩鎮耗竭國用而人心離宋以西北用兵括盡民財而社稷屋古今敗亡之禍未有不始於邊鄙而終於腹裏者嗟乎此十年前剗肉醫瘡之喻豈料他日板蕩之憂究竟不能外是哉夫經臣於十年前邊憂國蚤見及此今日之事兵須實兵餉須實餉一切

臺釐姦豈俟臣詞之畢而臣所長嘆者今日之內地又非十年以前之內地今日之新餉新兵又非十年以前之新餉新兵經臣前日言之則蚤今日圖之則著矣宋儒有言必用體國之人而後可以獲治兵之效臣望經臣今日治兵之中不忘前日體國之慮此社稷生靈之福豈臣一人之私幸哉臣言至此惟有飲泣除臣一面剗行餉司外事關經畧者伏乞天語叮嚀同心共濟依臣此法設誠行之遼事尚猶可爲臣部尚猶可應不然臣力竭矣臣罪亦甘之矣其如國家何其如遼事何

萬曆四十七年九月初二日具稿上訖得旨允行

楊文弱先生集卷之一

三

處置南京鑄錢稿

同前

照得科臣官應震畱都鑄錢條議覆奉欽依相應摘出酌議施行等因案呈到部看得國家錢幣利源所在弊孔叢生始慮不精後效難必臣等周諮博訪叅伍折衷通於科臣之疏其言可行者徑行其言未詳與未妥者酌議詳妥之意而條其梗槩有六議焉一日遣官之議科臣疏照永樂九年事例謂宜選差部臣另給關防是矣查得陪京重地鼓鑄多門差一部司冗褻無濟事當謀始地方或相沮格錢糧或不接濟奸僞或多窟穴區畫或不精詳有一於此徒敗公事考祖宗朝有事往往特遣科員亦有兼遣部

科者今議南京鑄錢開局伊始非特遣才望科臣一員前往創置不可蓋其於地方可以消沮格而得同舟之助於錢糧可以催接濟而無仰屋之嗟於奸僞可以清窟穴而不憂於借荒於區畫可以盡精詳而不患於膠柱此部臣之所難科臣之所易也至於南京開局買銅原在蕪湖蕪湖乏銅又當買之荊州等處則須本部司官一員與科臣相輔而行事體方克有濟今應請給勅書二道鑄造督理錢法關防一顆一應買銅召工鑄錢委官搭船裝運等項並就近地方府州縣官俱屬提調以便行事如有便宜仍聽科臣到彼奏請施行俟一年內外規制已定綜理有方

楊文弼先生集卷之一

主

錢通無滯然後責令部臣蒞董其事遣去科臣酌令復命其駐劄公署在京則上江兩縣在外則蕪湖縣議建何所或有見設空閒衙門務與鑄錢處所相近其衙門阜壯等役就於該縣撥給仍應添書算以主文移承差以備奏請差遣所有官吏俸廩各役工食咨南戶部及該地方厝處至於部臣間往荊州所過湖廣江西應付廩糧衙役一照先年監兌事例施行此遣官之大畧也一日開局之議科臣疏頒京師錢式俾赴雷都特立寶源局且與南之寶源局各不相蒙是矣查得南京見開四局並行不悖相沿有年今議遣官開局應度寬闊地面可容爐座數百工匠數

楊文弼先生集卷之一

主

千之處建立房舍以蔽風雨高峻牆垣以防奸弊內設局官外設巡軍以資稽察而又必與督理衙門相近以便朝夕糾虔考之會典嘉靖四十五年題准南京府軍衛倉府軍右衛東倉府軍後衛倉金吾後衛東西南三倉神策龍驤二衛等倉若有空閒厰分於內選一二大倉鼓鑄可省開局之煩又考會典景泰三年令南京各倉築立高厚牆垣牆外仍立冷鋪僉撥軍夫巡守成化十二年奏准府軍左衛東倉牆外官地量起公館令監收等官往來安歇若今就倉鼓鑄則牆垣巡守俱有成事可因牆外官地或有公館可以修理廓充為督理官駐之所最便計也倘諸倉已非空閒或年久傾頽然後別議設局可耳說者多言蕪湖銅商輻輳多不願往南京雜料柴米之價又賤數倍今應卽地買銅卽銅鑄錢官商覲而易買銀出銅入料辦錢成更不轉落局匠商頭之手尤省別弊則在一時建署開局未免勞煩而積久成錢利息自信是在遣去科臣熟計長便此開局之大畧也一日銅料之議科臣疏稱京師銅少而四大黃銅更少南京銅買自蕪湖等處價值甚賤是矣查得南京鑄錢所用者紅銅也每斤約價八分京師則用四大黃銅每斤價逾一錢邇來商銅甚低每鎔銅百斤便有一十三斤三兩正耗是價銀十兩內已折一兩三錢